



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DCCCCX. ad annum MLXXIII.

**Parisiis, 1644**

Capitvla.

**urn:nbn:de:hbz:466:1-15625**

ANNO  
CHRISTI  
918.

CONCILIVM GRATELEANVM,  
AB ATHELSTANO REGE ANGLORVM  
habitum, circa annum Domini DCCCCXXVIII.

*In quo leges plurimæ, cum ciuiles tum ecclesiasticæ, statuuntur:  
prætermis vero illis, collector has concinnauit.*

TITVL CAPITVLORVM.

- |   |   |
|---|---|
| I. <i>De decimis reddendis, paupere<br/>alendo, &amp; eleemosyna e regiis<br/>prædiis annuatim eroganda.</i> Ll.<br>Sax.in procemio. Iorn.cap. i. | bus. Ll. Sax. cap. 23. Iorn. cap.<br>30.  |
| II. <i>De irruptione in ecclesiam.</i> Ll.<br>Sax. cap. 5. Iorn. cap. 10.   | VI. <i>De rerum emptione in die do-<br/>minica.</i> Ll. Sax. cap. 24. Iorn.<br>cap. 32. |
| III. <i>De sagis.</i> Ll. Sax. cap. 6.<br>Iorn. cap. ii.  | VII. <i>De peierantibus.</i> Ll. Sax. cap.<br>25. Iorn. cap. 34.                        |
| IV. <i>De monetariis.</i> Ll. Sax. cap.<br>14. Iorn. cap. 20.   | VIII. <i>De has leges non exequenti-<br/>bus.</i> Ll. Sax. cap. 26. Iorn.c.33.          |
| V. <i>De ordalio se sifere spondenti -</i>  | IX. <i>De legum latoribus &amp; loco.</i> Ll.<br>Sax. cap. vlt. Iorn. cap. 35.          |

C A P I T V L A.

I.

**E**go Æthelstanus rex, ex prudenti Vlfhelmæ archie-  
piscopi aliorumque episcoporum meorum consilio,  
summopere iis omnibus qui in ditione nostra sunt præfe-  
ctis per sacrosancta Dei omniumque sanctorum numina,  
& pro mea in eos benevolentia, mando & præcipio, vt  
præ ceteris iustas ex meo ipsius proprio, ac debitas pen-  
dant tam viuorum animalium, quam annuorum terræ  
prouentuum, decimas: id quod singuli episcopi, senato-  
res, præpositi præterea nostri faciunto. Episcopi autem, &  
præpositi nostri omnes qui sedent in alias iudices, sub ea-  
dem formula iudicia exercento, atque hæc omnia ad eum  
quem in hoc condiximus diem ( festum scilicet Ioannis  
Baptistæ capite truncati anniuersarium ) conficiunto.

Porro autem nobiscum cogitemus, atque animo dili-  
genter expendamus, quod Deo dixerit pater excelsus Ia-  
cob: *Decimas meas & hostiam pacificam offeram tibi:* & quod <sup>Gen. 13.</sup>  
Dominus in euangelio fatus est: *Omni dabitur habenti,* & <sup>Matth. 25.</sup>

*is abundabit.* Recolamus præterea quæ in hoc ipso minaciter scripta sunt libro: *Si decumas dare noluerimus, sola nobis remanente decima, nouem detrahentur partes.* Sermone etiam admonemur diuino terrenis cælestia, & caducis his nostris æterna illa promereret. Quandoquidem igitur audistis quid Dominus iubeat, quidque nos exequi debeamus, ea mihi vos tantummodo comparetis velim, quæ iuste ac legitime parare possitis. Neque enim mihi ad vitæ vsum quidquam iniuste acquiri cupuerim. Etenim cum ea ego vobis lege vestra omnia benigne largitus sim, ut mea mihi vos itidem concedatis prospicitote sedulo, ne quis vetrum, neve eorum aliquis qui vobis paruerit, offenditionem aut diuinam aut nostram concitetis.

*Præpositi singuli singulos alant pauperes.*

*Et seruum liberent.*

Ego Æthelstanus rex clare omnibus qui in ditione nostra sunt præpositis significo, me ex Vlfhelma archiepiscopi aliorumque episcoporum & seruorum Dei consilio, ad expianda peccata mea statuisse, ut præfectorum quisque Anglum vnum (si quidem eiusmodi quis inter eos fuerit) cibo sustentet, si non fuerit, aliunde quæsito ad hunc modum vietum subministret. Ex binis singulis villis meis quoque dantor mense, amphora farinæ vna, porci perna vna, aut quatuor denariis æstimandus aries, atque in singulos annos oportenta corporis. Libertate insuper mulctatum vnum aliquem præstinæ restituunto libertati. Atque hæc omnia pro Dei in nos omnes misericordia, nostraque in eos benevolentia, præsente illius regionis episcopo fiunto. Quin si præpositorum quisquam hoc sciens prætermiserit, triginta mulctator solidis, eaque inter opidi illius, in quo fuerit hoc prætermissum, egentes præsente episcopo multa distribuitor.

## II.

Si quis ipsa triplicis ordalii sententia in fanum irrupisse conuincatur, is, prout in libro habetur judiciali, compensato.

## III.

Sagæ, mulieres barbara factitantes sacrificia, aut pestiferæ, si cui mortem intulerint, neque id inficiari poterint, capitum poena esto. Sin omni se criminis suspicione liberae conantes, ipsa triplicis ordalii sententia in reas referantur, 120. dies in carcerem coniiciuntor: quibus peractis,

120.

ANNO CHRISTI  
928. 120. solidorum numeratione earum eas cognati custodia liberanto, atque cognatis interfecti iustum capitum eius estimationem pendunto. Illæ vero se id genus sceleris in posterum non perpetraturas esse fideiustores adhibento. Eadem habetor incendiariorum ratio, & eorum omnium qui a iuris feueritate prædones vindicare studuerint. Imo si quis furem liberare contenderit, et si quidem nemini vulnus impresserit, regi tamen eo nomine 120. solidos numerato.

IV.

Præterea autem statuimus, ut unus per omnem ditionem nostram atque idem sit nummus, eumque nemo extra opidum cudito. Atqui si monetariorum quisquam nummos corruperit, ei manus scelere violata præciditor, atque nummaria conspicienda fabrica affigit. Sin nummi adulterati postulatus aliquis criminis suspicionem diluere voluerit, carentis ferri quæstione manum sceleris puram atque immunem ostendito. Quin si ipsa ordalii sententia reus extiterit, ita uti antea a nobis dictum est fiat.

Cantuaria monetarii septem sunt, quorum quidem quatuor regi, duo præsuli, ac unus cœnobiarachæ deseruit. In ciuitate Roffensi tres sunt: regis duo, tertius episcopi. Londini sunt monetarii octo, Vintoniaæ sex, in vico Levvisio duo, in vico Aaftingo unus, Cicestriaæ unus fit, Hamtonæ duo, Vverhamiaæ duo, Excestriaæ totidem, Schaftesbyriaæ duo, ad aliud quodque opidum monetarius unus esto.

V.

Qui se ordalii quæstione examinandum obtulerit, triduo quam id sit aggressurus, sacerdotem, ut is sacra de more peragat, adito, atque interim pane, sale, aqua, & oleribus tantummodo vescitor, Missæ præterea illis ipsis diebus interesto, munusque suum offerto. Sub ipso autem quo est ordalium ingressurus die, panem eucharisticum sumito, ac iure iurando se illius de quo appellatur sceleris purum minimeque conscienti iurato. Tum si aqua gelida facienda est quæstio, ad sesquialnam funis in aquam mergitor. Sin ferro fiat cadenti, per continuum triduum ob-signanda non resignetur manus. Accusator autem, quem-

Concil. Tom. 25.

D

admodum de accusato antea a nobis dictum est, iure iurando interposito criminationem persequitor, vterque etiam iussu Dei ac sacerdotis iejunato, nec pluribus quam duodecim alteruter stipatus aduenito: quin si accusatus pluribus eo comitatus acceperit, perinde sit (ni illi discedant) atque is in iudicio cecidisset.

V I.

Si quis testato rem aliquam mercatus fuerit, quam alias deinceps quisquam suam esse contenderit, eam vendor præstet, atque in se recipiat, siue is seruus, siue ingenuus fuerit.

Die autem dominico nemo mercaturam facito: id quod si quis egerit, & ipsa merce & triginta præterea solidis mulctator.

V II.

Si quis falsum iurasse conuictus fuerit, ei postea non modo non creditor, verum sacra is etiam prohibetur sepultura, nisi quidem illius in qua is degit diœcesis episcopus, data ei in mandatis omnia modeste confecisse illum significarit. Episcopum autem loci illius sacerdos, num alter animo libenti corrigi se se atque emendari patietur, intra triginta dies certiorem facito: id quod ni fecerit, episcopum penes poenæ arbitrium esto.

V III.

Porro autem si præpositorum quisquam mandata hæc nostra exequi noluerit, aut in administratione sua fuerit remissior, suæ in regem contumacia poenas luto, atque rex feueriorem alium in hoc munere substituet. Mulctæ autem capienda munus eius loci in quo degit præpositus episcopo imponimus. Si quis denique iussa ac scita hæc nostra contempserit, pendito primo libras quinque, secundo proprii capitis æstimationem dato, tertio, si deliquerit, fortunis suis omnibus mulctatus nostri omnium amicitia priuator.

I X.

Decreta actaque sunt hæc omnia in celebri Grateleano Conilio, cui Vulfhelmus interfuit archiepiscopus, & cum eo optimates ac sapientes ab Athelstano euocati frequentissimi.